

## Mattup ki Pool yi riije a ɗoŋ siido Galat

*Ey urzi k'ono* ɗoŋ kun t'oone adda mattup ettiyo

*Ette mattup ere Pool yi riije a* ɗoŋ i ziipe addaŋ a Isa a siido Galat. Pool geŋ ki siido Galat yi iide taŋ sire, y'an di gizite Rabila Majjaanawa a Yawudiyagi wo a ɗoŋ Yawudiyagi ye. Wo ɗe k'ita maŋ, Yawudiyagi oŋgoŋ an iide'ŋ an'de, Pool yoŋ wede zina k'Isa ki kotto ye, wo ono ɗoŋ yi gizite toŋ kane ɗerec ye. An an di ruute a kane ɗoŋ Yawudiyagi ye i ziipe addaŋ a Isa geŋ, i dehu an d'ise munda wede oogoro Muusa ti rootiyo kay. Wo munda wede an ziiɗa zakidɗi a jiiire, urzi walɗu ponde. Kane an rootiyo t'urzi geŋ, Raa yi di'n wolleiyo ɗuwo ki diine a ɗaanadi me.

*Pool y'illiga inkiino maŋ yi-ti gulkuwe* baadaŋ. Kono kamo y'an di riije mattup a ɗoŋ siido Galat, y'an di kize Raa yi'ni wolleiyo ɗuwo ki diine a ɗaanadi t'urzi walɗu ponde ye. Walɗu ponde ere toc Raa yi rootiyo te, ere a urzi tudde ɗuwo ge ki d'isiyo ye, wo tod'te ere Unde Kamileŋ t'isiyo adda k'adde. Geŋ t'urzi zaapu k'adde a Isa ɗaŋŋal, ɗuwo Raa yi'ni wolleiyo ɗoŋ ki diine a ɗaanadi me. Wo t'urzi zaapu k'adde a Isa ɗaŋŋal, lekkiyadiŋ t'a t'ise lekkiyo ere Raa ulbi i-d'ise uŋse me.

*Toose ki Pool a* ɗoŋ Galat

<sup>1-2</sup> Mattup ette i raaniya nuŋ Pool wede zina k'Isa, ti zamba pay i ziipe addaŋ a Isa ɗoŋ ti nuŋ, ay un t'ize toose a kune ɗoŋ ogiysito ti suma k'Isa a siido Galat\*. Naabo

---

\* <sup>1:1-2</sup> <sup>1.1-2</sup> Siido Galat: Kun wollo adda mattup ki Naabo ɗoŋ zina 16.6.

ette ni t'uune t'urzi d'uwu ye, i n'igibo wedusu ye ni d'isiyo me, oo t'elo Isa Almasi ti Meega Raa wede a bilde Almasi ti diine d'ofon unto. <sup>3</sup> Geŋ beeko ti toose ki Meegiŋ Raa ti Galmeega Isa Almasi i koonaa eggun. <sup>4</sup> Yode wede y'a iili tuddi, y'a inda k'oldikadiŋ, wo y'in di'n udfde ti suldi d'ofon ulpi ki duniya. Y'ize iŋkino aa Meegiŋ Raa yi dehu. <sup>5</sup> Tamma t'a koone a yode ki daayum! Eyye.

*Rabila Majjaanawa soo d'anjjal*

<sup>6</sup> Nuŋ n'a ziiɗa g'iggiro kono Raa wede unni wiike ti beeko ere k'Almasi kun d'iili, kesiko kun di-gime k'ume rabila majjaanawa ere ti doolo, <sup>7</sup> kacin rabila majjaanawa ti doolo umbo. Wo d'ofon ede an isiyo an un ti'n dagge, Rabila Majjaanawa ere k'Almasi an dehu an ti-kime ti doolo. <sup>8</sup> Iŋkino maŋ ise kaye batum, wenda ti doolo, ise maaleeka ti kandaane toŋ maŋ, y'un gizita rabila majjaanawa ti doolo aa ere ay un ki gizite ye maŋ, yode geŋ duud'iyoo Raa t'a koonaa eedi! <sup>9</sup> Kaye ay un ruute ti poone, aŋkeŋ n'a-di d'oole sey, aame wenda y'un gizita rabila majjaanawa ere ti doolo aa ere kun uune ti kaye ye maŋ, yode geŋ duud'iyoo Raa t'a koonaa eedi!

<sup>10</sup> Wo kune kun elkiyo ni riije iŋkino kono d'uwu an di n' t'imma ko? Aha, iŋkino ye! Ni dehu a ni t'imme Raa. Kun elkiyo miŋ, nuŋ ni dehu n'a t'ise wede beehiye a eda d'uwu ko? Aha, iŋkino ye! Aame ni dehu n'a t'ise beehiye a eda d'uwu sey maŋ, ni ki t'ise wede naabo k'Almasi ye.

*Pool yi t'ize wede zina k'Isa*

<sup>11</sup> Zemba ki nuŋ, ni dehu n'un di roote: Rabila Majjaanawa ere n'un gizite gette, ni k'illiga ti bize wedusu ye, <sup>12</sup> wo wenda y'o ki gizite ye, yi ki n' duuye ye. Tode gette Isa Almasi batum y'o iid'iba ita.

<sup>13</sup> Wo kune kun ti suune lekkiyado ere ti kaaga te, aame nuŋ ni daaniya urzi k'oogoro Yawudiyagi me. Nuŋ d'ofon ki

Raa ogiysó ti suma k'Isa n'anni dibire ßaadarj wo ni dehu n'an uute. <sup>14</sup> Wo t'adda diine daamayó Yawudiyagi, nuñ n'aa di jiire ki daaniya k'oogoro me, n'a ziidfa zakidfi t'addó pay a oogoro mongidagó te.

<sup>15</sup> Wo kaciñ Raa yi ni biire t'ume t'adda k'adde meedó to, y'o d'ele beekadí y'a ti n' wiike kono ni-di naabe. <sup>16</sup> Aame onniyo ere Raa yi dihe t'iina mañ, Ulí y'o di y' gize n'a yi zuune, kono n'an di kizite rabiladí a ðoñ Yawudiyagi ye. Aame geñ ni ki tunde wede tudde ye, <sup>17</sup> ki Zeruzalem toñ ni k'iide ye, n'a wollo ðoñ zina k'Isa ðoñ ti poone ti nuñ me. Tin geñ miñ n'a ingile baa, n'a ingile siidfo k'Arabi, sañ n'a-gimo ki geeger Damas. <sup>18</sup> ñide ozzine afo mañ, n'aa t'iide Zeruzalem kono ay di suuno tuddey ti Piyer. Ni likko ti yode suuk sire, <sup>19</sup> wo wede zina k'Isa Almasi ti doolo n'aa ki wullo ye, ni wullo Zak leema Galmeega† ðañjal. <sup>20</sup> Ono ðoñ n'un raaniya eñ, ki kotto lohito ye, Raa toñ yi suune.

<sup>21</sup> Sañ mañ ti Zeruzalem n'a ingile ki siidfo Siiri ti Silisi. <sup>22</sup> Zembfa ðoñ ogiysito ti suma k'Almasi a siidfo Ziide toñ, t'ersadarj an ki n' wulle ye. <sup>23</sup> An ollige miñ ðuwo an rootiyo a tukki nuñ, an'de: «Wede in di'n dibire ginno, ankeñ yi-gime, yi kazita Rabila Majjaanawa a urzi zaapu k'adde a Isa, ere ti poone yi ki dehu yi ki t'olliga ye geñno.» <sup>24</sup> Aame an illiga inñkino mañ, an tamma Raa kono nuuno.

## 2

### *Pool ti ðoñ naabo k'Almasi ongon*

<sup>1</sup> Aame ñide ozzine koomat makumu piðe mañ, n'a gime ki Zeruzalem sey kaye ti Barnabas, wo n'aa di wiike Tit

---

† 1:19 1.19 Zak: Yoñ leema Galmeega Isa, yoñ ti diine ðoñ dokkiyo ti ðoñ ogiysó ti suma k'Isa a geeger Zeruzalem. Kun wollo adda mattup ki Galat 2.9 wo Naabo ðoñ zina 15.13.

pây\*. <sup>2</sup> Nun n'iide kono Raa y'o ruute n'a ette. Aame ay iiney maṅ, n'an ugiye deero ki ḏoṅ ogiyso ti suma k'Isa siidey, maṅ n'an t'iide taaya a urzi Rabila Majjaanawa ere ni kazita a ḏoṅ Yawudiyagi ye. N'a t'ize iṅkino kono ni ki dehu naabo ere n'ize wo ere n'isiyo ette, i-ki t'engile ki bita ye. <sup>3</sup> Tit wede iide ti nuṅ geṅ yoṅ Girek, wo kane deero geṅ an ki y'ize ki toogo ye y'a walḏa ponde me. <sup>4</sup> Wo ḏe i d'ede zembā ḏoṅ an'de kane an ziipe addaṅ a Isa, kaciṅ an ki ziipe addaṅ ye, an dehu Tit y'a walḏa ponde. An t'iide diinayey aa ḏoṅ wolliiyo k'itadey, an dehu an ay ti'n dagge, kaye ḏoṅ eedey toore me. Ay t'ize eedey toore geṅ t'urzi k'Isa Almasi, wo kane an dehu an ay ti'n kime k'adda ḏuliko ere a urzi k'oogoro Muusa sey. <sup>5</sup> A ḏoṅ geṅ kaye ay an di-tuuge, urzi booloṅ toṅ ay an k'iili ye, kono kaye ay dehu ḏerec ki Rabila Majjaanawa gette t'a lekke a diinaguṅ.

<sup>6</sup> Wo kane ḏoṅ geṅ a eda ḏuwo kane deero toṅ — a nuṅ deerikadaṅ ere ti poone gette ki bita, kono Raa y'inni wolliiyo kine pay miṅ kaṅ soo† — kane ḏoṅ a eda ḏuwo kane deero geṅ, a nuṅ munda an ki ruute ye ti doolo me. <sup>7</sup> Wo kaciṅ an wulle maṅ an zuune, ḏerec Raa y'o ele a beezó naabo kazita Rabila Majjaanawa a ḏoṅ Yawudiyagi ye, aakede Raa yi ele a bey Piyer naabo ki kazita a Yawudiyagi. <sup>8</sup> Derec, Piyer Raa yi y'ize wede zina k'Isa y'a-y'igibe ki tukki Yawudiyagi, iṅkino nuṅ toṅ Raa y'an ize wede zina k'Isa y'an-igibe ki tukki ḏoṅ Yawudiyagi ye. <sup>9</sup> Zaṅ, Zak wo Piyer geṅ, ḏuwo an'ni suune kane deero ki ḏoṅ ogiyso ti suma k'Isa. Kane geṅ an zuune naabo gette ki kotto Raa y'o ele ti beekadí. Ay di-gitte onamey kaṅ soo, wo ay a-ti ziḏḏe bey ki toose, i-kaza ay

\* 2:1 2.1 Kun wollo adda mattup ki Naabo ḏoṅ zina 11.30; 15.2.

† 2:6 2.6 Kun wollo adda mattup ki Deeterenom 10.17.

lekkiyo kettiyo kaŋ soo. Injino maŋ nuŋ ti Barnabas ay d'ingile ki tukki d'oj Yawudiyagi ye, wo kane aŋ Piyer an d'ingile ki tukki Yawudiyagi. <sup>10</sup> Wo an ay di ruute an'de ay a d'elkoy a d'oj an k'ede munda ye, wo nuŋ gettiŋ naabadó ere n'isiyo t'adde soo to<sup>‡</sup>.

*Pool y'aapu*du Piyer

<sup>11</sup> Onniyo Piyer y'iide ki geeger k'Antiyos siido Siiri<sup>§</sup> geŋ, y'aaze munda wede ulsu, injino n'a y'iipide a daana d'oj pay i t'ugiye. <sup>12</sup> Zak geŋ yi d'igibo zemba, wo ki poone an d'aana geŋ Piyer yi d'ombo kaŋ soo ti zemba d'oj Yawudiyagi ye me. Wo aame zemba geŋ an iina maŋ, Piyer y'aa t'irga ombo ti kane y'a iili, kono y'orgiso a zemba Yawudiyagi. <sup>13</sup> Maŋ kane Yawudiyagi ongo toŋ bizaŋ a t'ize sire sire aa ki Piyer. Injino maŋ yode Barnabas toŋ yi wulle naabadaŋ ere an ize gettiyo maŋ, y'a-t'ize aa kane. <sup>14</sup> Aame ni wulle naabadaŋ a ki t'iide a d'erec ere ki Rabila Majjaanawa ye maŋ, n'a t'iiziga, n'a t'ihira a daana d'oj pay, wo ni di ruute Piyer, n'ede: «Kee Yawudusu, wo ankenno lekkiyada aa ki d'oj Yawudiyagi ye, ki ki lekkiyo ye aa ki d'oj Yawudiyagi me. De mummino ki dehu k'a ti'n kime ki toogo zemba d'oj Yawudiyagi ye, an di lekke aa ki Yawudiyagi doo miŋ kollo me?»

<sup>15</sup> Kaye ay suune Yawudiyagi miŋ kaye! Kaye soo ye ti d'oj Yawudiyagi ye, d'oj ay'ni waaku d'oj k'oldiko\* me! <sup>16</sup> Ki too maŋ in i suune duwo Raa y'anni wolleyo ki diine a daanadi t'urzi daaniya k'oogoro Muusa ye, wo de y'anni wolleyo ki diine a daanadi t'urzi zaapu k'adde a Isa

<sup>‡</sup> 2:10 2:10 Kun wollo adda mattup ki Naabo d'oj zina 11.29-30.

<sup>§</sup> 2:11 2:11 Kun wollo adda mattup ki Naabo d'oj zina 11.19-26.

\* 2:15 2:15 D'oj k'oldiko: I-kaza d'oj Yawudiyagi ye an ki suune oogoro Muusa ye.

Almasi ɗaɗɗal†. Wo kaye toɗ ay ziipe addey a Isa Almasi, kono Raa y'ay di'n wolle ki diine a ɗaanadi t'urzi zaapu k'adde a Almasi, t'urzi daaniya k'oogoro Muusa ye. Derec, wenda soo toɗ umbo Raa y'a yi wolle ki diine a ɗaanadi t'urzi daaniya k'oogoro Muusa me. <sup>17</sup> Kaye Yawudiyagi toɗ maɗ ay dehu Raa y'ay di'n wolle ki diine a ɗaanadi t'urzi beeko k'Almasi. Wo ɗe ay ize injkino toɗ ɗuwo an ayni wolliyoye kaye ɗoɗ k'oldiko aa kane ɗoɗ Yawudiyagi ye maɗ, geɗ Almasi yoɗ wede naabo a urzi k'oldiko ko? Aha, injkino ye! <sup>18</sup> Aame urzi k'oogoro Muusa ni y'iili wo k'ita maɗ n'a-kime k'addaga maɗ, geɗ ni t'ize wede a ti diipida a urzi k'oogoro geɗno. <sup>19</sup> Nuɗ a oogoro gette aa n'inda kono tode batum ti n'inde, wo ankeɗ ni dehu n'a lekke ki Raa. Aame Almasi y'inda ekk'undumu wede zaapu t'ekki bakadi kaɗ tontilko geɗ, aa n'inda ti yode kaɗ soo. <sup>20</sup> Lekkiyado ette i lekkiyo nuuno ye, i lekkiyo Almasi adda k'addo me. Lekkiyado a duniya ette ni lekkiyo t'urzi zaapu k'adde a Ulo Raa wede yi ni giyye, yode batum y'a inda kono nuɗ. <sup>21</sup> Injkino maɗ beeko Raa ni k'ooli ye. Wo aame t'urzi k'oogoro ɗoo miɗ k'a t'ise ki diine a ɗaana Raa maɗ, geɗ aakede Almasi y'inda ki bita.

### 3

#### *Mummino kun uune Unde Kamileɗ me?*

<sup>1</sup> Kune ɗoɗ siido Galat no, kune'ɗ elkiyagun umbo! Wee wee un ti'n digge me? Para maɗ taaya k'Isa Almasi an ti y' tiike ekk'undumu wede zaapu t'ekki bakadi kaɗ tontilko an un ti ruute a ɗaanagun, kun illiga kereɗ. <sup>2</sup> Injkino maɗ ni dehu n'un di'n tonde a munda soo: Unde Kamileɗ Raa y'un ele gette kono kun diine urzi k'oogoro Yawudiyagi kunun, kun illiga Rabila Majjaanawa wo kun

† 2:16 2.16 Kun wollo adda mattup ki Romeɗ 3.20-24.

d'umbe ko? <sup>3</sup> A munda geŋ kune elkisaguŋ umbo me? Ki poone kun iise t'urzi k'Unde Kamileŋ, wo aŋkeŋ kun dehu kun a-ti d'ange t'urzi munda wede tudde ti dehu. <sup>4</sup> Kune kun elkiyo miŋ beeko ere kun uune pay ti Raa gette, tod'te ki bita ko? Aha, ki bita ye! <sup>5</sup> Kun ollo kay, aame Raa y'un ele Unde Kamileŋ wo y'aaze suldi k'armika a diinaguŋ geŋ, y'isiyo kono kun daaniya urzi k'oogoro kunuŋ, kun illiga Rabila Majjaanawa wo kun d'umbe ko?

*Raa yi ziipe beeko a Ibirayim*

<sup>6</sup> An riije ti kaaga adda mattup ki Raa a tukk' Ibirayim, an'de: «Yi ziipe addi a Raa, iŋkino Raa y'a yi wulle yoŋ ki diine a d'aanadi\*.» <sup>7</sup> Kun ollo ono enno: d'oŋ i ziipe addaŋ a Raa d'anjal ita k'inni k'Ibirayim me†. <sup>8</sup> Ti kaaga Raa yi-ti gize rabila majjaanawa gette a Ibirayim, y'ede: «Ita duwo pay an t'oonaa beeko t'urzi kee‡.» Geŋ iŋkino an riije ti kaaga adda mattup ki Raa, d'oŋ Yawudiyagi ye toŋ Raa y'an isa ki diine a d'aanadi t'urzi zaapu k'addaŋ a yode. <sup>9</sup> Iŋkino maŋ d'oŋ i ziipe addaŋ a Raa geŋ an uune beeko pay aa k'Ibirayim wede yi ziipe addi a Raa.

<sup>10</sup> Wo d'oŋ pay i daaniya urzi k'oogoro Yawudiyagi geŋ duudiyi Raa a eedaŋ, kono ono eŋ an riije ti kaaga adda mattup ki Raa, an'de: «Duudiyi Raa a wede soo daayum y'a ki ti sooru ye a suldi pay d'oŋ an riije adda mattup k'oogoro Muusa me§.» <sup>11</sup> Kine in'ni suune ono geŋ kereŋ, wede y'a t'ise ki diine a d'aana Raa t'urzi k'oogoro umbo, kono ono eŋ an riije ti kaaga adda mattup ki Raa, an'de: «Wede Raa yi yi wolliyo ki diine a d'aanadi geŋ, yoŋ y'a

\* 3:6 3.6 Kun wollo adda mattup ki Zenez 15.6 wo Romeŋ 4.3. † 3:7 3.7 Kun wollo adda mattup ki Romeŋ 4.16. ‡ 3:8 3.8 Kun wollo adda mattup ki Zenez 12.3; 18.18; 22.18; 26.4; 49.10. § 3:10 3.10 Kun wollo adda mattup ki Deeterenom 27.26.

lekka t'urzi zaapu k'adde a yode\* .» <sup>12</sup> Derec, urzi k'oogoro ti wede ki zaapu k'adde a Raa soo ye. Wo dfe ki oogoro'η, wede y'a t'izira a urziyagi k'oogoro pay genno man, t'urzi geη y'a lekka†.

<sup>13</sup> Para man kono k'oogoro Muusa gette kine duudfiyo Raa a eedin, injkino man Isa Almasi batum y'a iido, y'a t'umbe duudfiyo kine wo i-d'uupe eedi, injkino y'in di'n udcfe ti duudfiyo gette. Geη ono eη an riije ti kaaga adda mattup ki Raa, an'de: «Wede tuuku an ti y' d'odfiyo ekk'undumu geη, duudfiyo Raa a eedi‡.» <sup>14</sup> Geη a t'ize injkino kono t'urzi Isa Almasi, beeko ere Raa yi ruute yi t'ela a Ibirayim a-teepe a d'ofη Yawudiyagi ye pay. Geη kine toη t'urzi zaapu k'adde a Isa in d'uune Unde Kamilen ere Raa yi ruute y'in t'ela te.

*Oogoro ti ono* d'ofη Raa yi ruute y'aasa

<sup>15</sup> Zemba ki nuη, n'un di rooto munda wede a urzi lekkiyadiη ere ankenno: Aame wede yi t'aahe k'unto geη, onami d'ofη yi riije a urzi dokki dfe laalay, wenda yi k'aane yi ki ti'n latte ye, wo y'a k'onke munda ti doolo ye. <sup>16</sup> Geη injkino ki ono d'ofη Raa yi ruute y'aasa a Ibirayim wo k'eda k'innizi toη man. Ti kaaga adda mattup ki Raa, an ki riije ye «a tukk'ita k'innizi pay», aakede a kane baadan geη me. Wo dfe an riije «a tukk'ulo soo t'ita k'innizá», geη i-kaza ti ulo wede soo\$, yoη Almasi. <sup>17</sup> Onamó enno d'ofη ni dehu n'a roote me: Ki poone Raa yi gitte taasawa ti Ibirayim t'urzutú. Saη iide ozzine meeda pide uto ada g'ado\* man, Raa yi-d'ele oogoro a Muusa. Injkino man

\* 3:11 3.11 Kun wollo adda mattup ki Abakuk 2.4 wo Romeη 1.17. † 3:12 3.12 Kun wollo adda mattup ki Lebitik 18.5 wo Romeη 10.5. ‡ 3:13 3.13 Kun wollo adda mattup ki Deeterenom 21.23. § 3:16 3.16 Kun wollo adda mattup ki Zenez 12.7. \* 3:17 3.17 Kun wollo adda mattup ki Zenez 15.13 wo Egzod 12.40.



oogoro gette ti k'aane ti ki t'îde taasuwa gettiyo ye, para mañ ono ñonj Raa yi ruute y'aasa geñ a t'isa ki bita. <sup>18</sup> Wo aame suldi ñonj Raa yi boohiyo a ñonji geñ ki'ni t'oone t'urzi k'oogoro mañ, geñ i-kaza suldi'ñ ki'ni t'oone t'urzi k'ono ñonj Raa yi ruute y'aasa ye. Wo ki too mañ, Raa yi-ziipe beeko a Ibirayim t'urzi k'ono ñonj yi ruute y'aasa.

<sup>19</sup> De injkino mañ, ki moo me Raa y'a elo oogoro a Yawudiyagi me? Oogoro gette Raa yi t'ele kono t'in di kize doopiñadiñ ere a urzizi, bini aaniya k'ulo ti biza bumbu k'Ibirayim wede Raa yi ruute y'a yi t'igibo. Oogoro gette yi t'ele ti bize maaleekiyagi, wo wede i konso diinayan y'an di ruute†. <sup>20</sup> Wo aame munda ki wede soo mañ, geñ i ki dehu wede y'a ki koone a diine ye. Raa yonj soo ñanjal‡ wo y'aane.

<sup>21</sup> Geñ i-kaza oogoro gette dokki ko ti ono ñonj Raa yi ruute y'aasa me? Aha, dokki ye! Aame oogoro gette Raa yi t'ele t'an t'ele lekkiyo a ñuwo mañ, geñ wede y'a aane y'a t'ise ki diine a ñaana Raa t'urzi k'oogoro me. <sup>22</sup> Derec, an riije ti kaaga adda mattup ki Raa, ñonj a duniya pay eñ adda k'oldiko, injkino Raa y'a elo munda wede yi ruute y'an t'ela a kane ñonj i ziipe addan a Isa Almasi t'urzi zaapu k'adde a yode.

<sup>23</sup> Ki poone urzi zaapu k'adde a Isa y'a aana geñ, kine dangay a urzi k'oogoro bini onniyo ere Raa yi'n t'iidiba ita a urzi zaapu k'adde a Isa. <sup>24</sup> Injkino mañ oogoro gette t'a guune ere boohiyadiñ, bini aaniya k'Almasi, kono t'urzi zaapu k'adde a Raa y'in di'n isa ñonj ki diine a ñaanadi. <sup>25</sup> Ankeñ onniyo ki zaapu k'adde a Almasi t'iina geñ, kine ti ñandi k'oogoro ye baa.

### *Inñi Raa*

---

† 3:19 3.19 Kun wollo adda mattup ki Deeterenom 5.2-5 wo Naabo ñonj zina 7.53. ‡ 3:20 3.20 Kun wollo adda mattup ki Deeterenom 6.4.

<sup>26</sup> Derec, t'urzi zaapu k'adde a Isa Almasi wo ti lekkiyo ere kettiyo kaŋ soo ti yode geŋ, kune pay kun t'ize inŋni Raa. <sup>27</sup> Inŋkino maŋ kune pay kun ti zuyye batem geŋ kun aa ti gitte kaŋ soo t'Almasi, kun t'usse Almasi. <sup>28</sup> Geŋ âhuntu tudde umbo: Eŋ Yawudusu eŋ Yawudusu ye, eŋ ßule eŋ ßule ye, eŋ kule ette erewo umbo. Kine pay miŋ soo in lekkiyo kettiyo kaŋ soo t'Isa Almasi. <sup>29</sup> Aame kune ki Almasi maŋ, geŋ kune ita k'inŋni k'Ibirayim, wo kune i koono a sulđi đoŋ Raa yi boohiyô a đoŋzî, a-t'etta a ono đoŋ yi ruute y'aasa me.

#### 4

<sup>1-2</sup> Ono ni dehu n'a roote enno: Ulo wede i koono a korßite meegí geŋ, aame yoŋ ulô ßotto, lekkiyadi aa ßule a đaana đoŋ i yi dokkiyo wo i yeeriyo korßite meegí me, ise korßite pay geŋ saŋ ki yode toŋ maŋ. Wo yi d'ollige onamaŋ bini onniyo ere meegí yi ruute a t'ida. <sup>3</sup> Kine toŋ inŋkino kay, aame kine aa inŋni ßotto geŋ, in lekkiyo adda ßuliko k'undiyagi đoŋ toogo i-dokkiyo duniya. <sup>4</sup> Wo aame onniyo ere Raa yi ruute t'iide maŋ, y'a t'igibo Ulí an di y'ehe adda duniya t'urzi k'erewo, wo i di y' dokkiyo oogoro Yawudiyagi, <sup>5</sup> kono y'in di'n adđe kine đoŋ adda dangay in i dokkiyo oogoro gettiyo, wo y'in di'n ise inŋni Raa.

<sup>6</sup> Ki kotto kune kun t'ize inŋnizi, inŋkino Raa y'a igibo Unde k'Ulí ti-t'iide adda k'adde kine pay, ti-đolle: «Abba!» I-kaza Meegó. <sup>7</sup> Inŋkino ankenno kee ßule ye baa, kee ulo Raa. Wo kee ulí geŋ, sulđi đoŋ Raa yi boohiyô a đoŋzî, kee toŋ adda t'urzi beekadi\*.

*Pool ulbí* oođiyo a tukki đoŋ Galat

<sup>8</sup> Ti kaaga Raa soo đanŋal kun ki y' zuune ye geŋ, kun di lekkiyo adda ßuliko ere ki raayagi đoŋ ki kotto kane ki

\* 4:7 4.7 Kun wollo adda mattup ki Romeŋ 8.15-17.

bita†. <sup>9</sup> Wo ankenno Raan kun yi zuune, wo ay di roote yon y'unni zuune ti poone too. Wo de mummino kun di-kime ki tukki undiyagi don ki bita toogadan baata i-dokkiyo duniya, wo kun t'ise bulagi sey me? <sup>10</sup> Kun di daaniya ita suldi don aakede: onniyo k'oholo, aagulu tere, teddari tarnaapagi, wo tarnaapagi don adda k'ozzinagi‡. <sup>11</sup> Nun ulbo oodfiyo a kune, kono a naabo ere n'ize pay a diinagun gette a t'isa ki bita.

<sup>12</sup> Zamba ki nun, n'un di'n tondo ti obe bey, kun lekko aa ki nuuno, kono nun ni t'ize aa kune. Kune munda ulsu soo ton kun o k'ize ye. <sup>13</sup> Kun elko, aame nun tuddo eeni genno n'un gizite Rabila Majjaanawa ki poone me. <sup>14</sup> Ki too man kune a tuddo gette kun di n'kiigira kun ti n'kime, wo inkino kun ki d'ize ye. Wo de kun di n'ziida bey sire aakede maaleeka Raan wo aa Isa Almasi batum. <sup>15</sup> Aame gen ulbugun unse baadan, aakede i t'ise man edagun ton, kun t'oddfipe kun o t'ele. Wo de ki moo me ankenno inkino ye me? <sup>16</sup> Wo anken n'a t'ize wede k'adugun kono ni rootiyo ono don derec ko?

<sup>17</sup> Kun ollo, kane an un ti'n argu k'urzi wede ti doolo gen, an dehu kun an di'n daane wo de kane elkisadan oldo. An dehu an un di'n arga ti tuddo, wo a t'ise kane batum don kune kun di daane me. <sup>18</sup> Enno munda wede beehiye me, suldi don beehiye'n i dehu kun seeda daayum zakidi eego, aame nun a diinagun doo ye. <sup>19</sup> Inni ki nun, kono kune gen addo i ni kakkisa aa n'un ti'n t'ehesey, wo addo a ni kadfiwa daayum bini kune kun t'isa zakidi aa yode Almasi. <sup>20</sup> Ki too man nun ni dehu n'a ette ki tuddugun, n'un di roote ono don ni dehu n'a roote kun d'olliga gollado. Wo anken, kono kune gen munda n'a t'ise

---

† 4:8 4.8 Kun wollo adda mattup ki 1 Korent 8.4-6. ‡ 4:10 4.10 Kun wollo adda mattup ki Rome'n 14.5 wo Kolos 2.16-23.

ni ki suune ye.

*Saara ti Agar*

<sup>21</sup> Kun oo ki ti rooti d̄oo, kune d̄oŋ kun dehu un di'n dokke oogoro d̄o geŋ, oogoro gette ti rootiyo munda kun suuniyo d̄ey ko? <sup>22</sup> Derec, ono eŋ an riije ti kaaga adda mattup ki Raa, an'de: «Ibirayim i-d'ede in̄ni sire, ulí soŋ ki eddí ere bulowo, wo soŋ ki eddí ere uto siid̄oŋ.» <sup>23</sup> Ulo bulowo geŋ ti y'ehe a urzi tudde, wo d̄e ulo ki ere uto siid̄o in̄kino ye, ti y'ehe a-t'iide a ono d̄oŋ Raa yi ruute y'aasa\*. <sup>24</sup> T'urzi k'erayi sire eŋ Raa yi dehu y'a roote munda. Agar ti Saara, kane geŋ i-kaza ita taasuwa sire d̄oŋ Raa yi gitte ti d̄uwo. Bulowo Agar gette i-kaza taasuwa ere Raa yi gitte ti Muusa ekki mukkolo sundutú Sinayi, in̄nitú kane bulagi. <sup>25</sup> Agar gette aa mukkolo Sinayi a siid̄o k'Arabi, wo tode gette aa geeger Zeruzalem an̄ken̄no. Kane d̄oŋ pay i lekkiyo adda geŋ, kane bulagi k'oogoro. <sup>26</sup> Wo Saara gette aa Zeruzalem ki Raa t'awwa, tod'te uto siid̄o, wo tode meediŋ te. <sup>27</sup> Ono eŋ an riije ti kaaga adda mattup ki Raa, an'de:

«Koŋ ere karta mi k'ehiyo ye, ulbí i iso un̄se!

Koŋ ere dabar k'ehiyo mi k'uwwa ye, mi yililo!

Derec, in̄ni ki ere an t'iili sittú an d'aagila baadaŋ a ceera in̄ni ki ere kulatú a d̄aanatú†.»

<sup>28</sup> Zemb̄a ki nuŋ, kune aa Isaaka ti kaaga, kun t'ize in̄ni d̄oŋ a ehiyo ere a-t'iide a ono d̄oŋ Raa yi ruute y'aasa.

<sup>29</sup> Derec, ti kaaga ulo bulowo an y'ehe a urzi tudde geŋ, yi d'okko maade k'ulo wede Saara ti y'ehe t'urzi k'Unde Raa‡. Geŋ an̄ken̄no toŋ, kine in̄kino kay. <sup>30</sup> Wo k'a elko a ono

§ 4:22 4.22 Kun wollo adda mattup ki Zenez 16.15; 21.2. \* 4:23 4.23 Kun

wollo adda mattup ki Zenez 17.16 wo Romerŋ 9.7-9. † 4:27 4.27 Kun wollo

adda mattup ki Ezayi 54.1. ‡ 4:29 4.29 Kun wollo adda mattup ki Zenez

21.9.

ɗoŋ an riije ti kaaga adda mattup ki Raa, an'de: «Bulowo ki-t'olmu ti ulutú me, kono ɓoy meega i k'ooma yode ye, ooma ulo wede k'uto siidɗo§.»<sup>31</sup> Injino maŋ zamba ki nuŋ, ankenno kine inni bulowo ye, wo ɗe kine inni k'uto siidɗo.

## 5

*Almasi y'in ti'n ize eediŋ toore*

<sup>1</sup> Kine Almasi y'in ti'n uɗɗe t'adda ɓuliko k'oogoro tod'te aa sibe a golladiŋ, kono kine ki kotto in di lekke eediŋ toore. Injino maŋ kun a soodɗo zakidɗi, kun ti kima k'adda sibe genno ye baa.

<sup>2</sup> Kun ollo koɗuwo, un rootiyo eŋ nuŋ Pool: aame kun dehu kun di walɗa ponde ɗoo maŋ, geŋ aakede Almasi y'ize naabadí pay gette, a kune ki bita. <sup>3</sup> Wo nuŋ n'un di rooto sey wede tuuku yi wilɗa ponde aakede oogoro Yawudiyagi ti rootiyo maŋ, y'a-t'oziro eego pay urziyagi k'oogoro me. <sup>4</sup> Kune ɗoŋ kun elkiyo t'urzi daaniya k'oogoro, Raa y'un di'n wolla ɗoŋ ki diine a ɗaanadí maŋ, geŋ kune kun ti liɗɗe ti Almasi wo dokki ti beeko Raa te.

<sup>5</sup> Wo kaye, ay ziipe elkisadey a Raa, yoŋ y'ay di'n isa ɗoŋ ki diine a ɗaanadí. Geŋ munda wede kaye ay delliyo ti toogo k'Unde Kamilen tod' ti naabiya t'urzi zaapu k'adde a Isa.

<sup>6</sup> Ki wede i lekkiyo kettiyo kaŋ soo t'Isa Almasi geŋ, ise yi walɗa ponde, yi ki walɗa ye toŋ, a ki y' nooge ti munda ye, i jiire zaapu k'adde a Raa ere ti naabatú a urzi geyyiso.

<sup>7</sup> Ti poone kun okko beehiye a urzi k'Almasi me. Wo ɗe anken un ihira wee wee, y'un t'iigire ki daaniya k'ono ɗoŋ ɗerec ki Raa me? <sup>8</sup> Injino maŋ wede un ihira geŋ, onamí i k'iido'ŋ ti Raa wede unni wiike genno ye. <sup>9</sup> Geŋ aakede ɗuwo an rootiyo, orme booloŋ ɗanŋal geŋ miŋ

---

§ 4:30 4.30 Kun wollo adda mattup ki Zenez 21.10.

gododo baadarj yi-ti t'oozige pay\*. <sup>10</sup> Nuŋ ni ziipe addó a Galmeega kono kune y'un ki'n oola, kun ki t'amba urzi doolo ye. Wo de wede lattiya diinaguŋ geŋ, y'aase tuuku toŋ maŋ, booro Raa t'a yi seeda.

<sup>11</sup> Zemba ki nuŋ, ki nuuno aame ni kazita a duwo waldu ponde beehiye maŋ, iŋkino ki moo me an ni dabirsa me? Aame ni kazita iŋkino maŋ, unto k'Almasi ekk'undumu wede zaapu t'ekki bakadi kaŋ tontilko gette ki bita, a duwo a ki t'ise morkolo morkiye ye. <sup>12</sup> Doŋ lattiya diinaguŋ geŋ, an wolliyó urzi waldu ponde beehiye maŋ de, an ti deŋko ti dussimayi pay.

### *Tudde wo Unde Raa*

<sup>13</sup> Zemba ki nuŋ, kune Raa y'un ti'n wiike kun di lekke egguŋ toore, wo kune egguŋ toore geŋ un ki t'ise urzi k'isiyo suldi doŋ ulpi tudde ti dehu ye. Ki too maŋ t'urzi geyyiso kun naabo ti tudduguŋ. <sup>14</sup> Derec, to oogoro pay gette a-t'iide miŋ a ono soo, ono doŋ an'de: «Ki geyyo bakada aa ki geyyiso tudda batum†.» <sup>15</sup> Wo de aame kun isiyo aa seydi balda an t'ahutu tuddaŋ wo an a-t'aadumu maŋ, geŋ kun koono mentikagi, para'ŋ kun di latta lekkiyaguŋ.

<sup>16</sup> Kono kamo n'un di rooto, kun i oolo tudduguŋ a Unde Raa t'un di'n dokke, iŋkino kun ki d'isa ye suldi doŋ ulpi tudde ti dehu me. <sup>17</sup> Derec, suldi doŋ tudde ti dehu geŋ, i k'ettiyo soo ye ti suldi doŋ Unde Raa ti dehu me. Wo suldi doŋ Unde Raa ti dehu geŋ, i k'ettiyo soo ye ti suldi doŋ tudde ti dehu me. Kane sire geŋ aakede aŋ gede t'awili, iŋkino kun k'aane kun ki t'ise ye munda wede kun dehu

---

\* 5:9 5.9 Kun wollo adda mattup ki 1 Korent 5.6. † 5:14 5.14 Kun wollo adda mattup ki Lebitik 19.18.

kun d'ise me<sup>‡</sup>. <sup>18</sup> Wo d'e aame unni dokkiyo Unde Raa mañ, geñ kune ßulagi k'oogoro Yawudiyagi ye baa.

<sup>19</sup> In'ni suune suldi d'oj tudde ti dehu t'aase me, aakede: boliyo, pitiñko, ñaapu, <sup>20</sup> daaniya longayi, kombid'iko, koogire tudde, ono k'ulpi, kolbiso, kulkiso i ceeriyo eego, kama tudde k'ita, niikiyto wo ahuntu tudde, <sup>21</sup> zaapu k'adde a munda wedusu, sobito ti ombito i ceeriyo eego i-t'eliyo isiyo suldi d'oj kaca kaca, wo suldi ti doolo toñ ede i'ni deeyiso me. Nuñ n'un di rooto aakede n'a ruute ki poone, d'oj isiyo in'kino geñ an k'etta ye ki Moziko Raa te.

<sup>22</sup> Wo ettiyo naabo ere Unde Raa t'isiyo adda k'adde wedusu me: geyyiso, unsuwo, toose, ombine, beehiyko, seedu zakidi a munda, <sup>23</sup> adde tasse, wede y'a seeda tuddi. Oogoro ti ki rootiyo k'ulsuko ye a tukki suldi geñ me. <sup>24</sup> Kane d'oj ki Isa Almasi, suldi d'oj ulpi tudde ti dehu wo ti ñaapu geñ, aa an ti'n tiike kañ soo ti yode ekk'undumu wede zaapu t'ekki bakadi kañ tontilko. <sup>25</sup> Kine in uune lekkiyo t'urzi k'Unde Raa, in'kino in i oolo tuddin a Unde Raa t'in di'n dokke. <sup>26</sup> In ki kili tuddin ye, essiyo ti tuddin toñ ulu, wo in zaape addin ye a munda bakadin me.

## 6

### *Sarkiya k'attidi* ti tudde

<sup>1</sup> Zemba ki nuñ, aame kun wulle wede y'a ti diipida urzi Raa mañ, kune d'oj un ede Unde Raa geñ kun ti y' kami k'urzi wede ki diine, wo kun i rooto ti golla ere tasse. Ni rootiyo eñ a kune wede y'ette kama bakadi geñ, y'a elko tuddi kono yode toñ y'a-ki t'ooro adda naamiya daggiya aa ki bakadi ye. <sup>2</sup> Kun noogo tuddugun a sarkiya k'attidi

<sup>‡</sup> 5:17 5.17 Kun wollo adda mattup ki Romeñ 7.14-23.

wede un d'ede. Kun isiyo injkino mañ, geñ kun a ti sooru a oogoro k'Almasi. <sup>3</sup> Aame wede y'elkiyo yonj wedusu duuru wo kaciñ yonj ki bita mañ, geñ yi ti daggiya tuddí batum. <sup>4</sup> Injkino wede tuuku toñ yi wollo naabo k'aggadí. Injkino adda naabadí gette, munda ulbí i-d'ise unse ede mañ, y'iso a naabo k'aggadí, y'a ki dooze ti naabo ðonj doolo ye. <sup>5</sup> Derec, wede tuuku toñ yi t'idey taaya naabadí k'eedí k'eedí a ðaana Raa me.

<sup>6</sup> Wede uune dooyiso a urzi k'ono Raa geñ, suldi ðonj i-d'ede y'a t'ele a nooge wede i ele dooyiso geñño.

<sup>7</sup> Kun ollo, kune'ñ wenda soo toñ y'oola elkisadí ti ti y' dagga ye, okko maade Raa umbo. Buzu wede ki giira geñ, k'a t'ayda miñ yode\*. <sup>8</sup> Geñ injkino kay wede y'ooliyo tuddí k'isiyo suldi ðonj ulpi tudde ti dehu geñ, y'a t'ona munda wede tudde t'eliyo, wo tod' t'eliyo unto. Wo wede y'ooliyo tuddí a naabo ere Unde Raa ti dehu geñ, y'a t'ona munda wede Unde Raa t'eliyo, wo tod' t'eliyo lekkiyo ere ki daayum. <sup>9</sup> Injkino mañ in iso daayum beehiyko, in t'orme ye. Derec, onniyo ere Raa y'ele gette t'iina mañ, aggadiñ in di-t'ooney, aame in k'urma ye mañ. <sup>10</sup> Ankenño peedo to ede botto t'a ki t'iire ye geñ, in iso beehiye a ðonj pay, wo a jiire a zemba ðonj i ziipe addañ a Isa.

### Ono ðonj ki ðangu

<sup>11</sup> Kun wollo raaniya ere deero ette, i riine nuñ Pool batum ti beezó. <sup>12</sup> Kane ðonj an un isiyo ki toogo kun di walda ponde ðo geñ, kane an dehu majjaanika a ðaana ðuwo, kono munda wede an dehu'ñ ðuwo an gi di'n dabire ye a urzi k'unto k'Isa Almasi ekk'undumu wede zaapu t'ekki bakadí kañ tontilko me. <sup>13</sup> Kane ðonj i wilda ponde toñ a urzi k'oogoro an aa ki ti sooru eego ye, wo ðe an dehu kune kun di walda ponde kono an di t'imme

\* 6:7 6.7 Kun wollo adda mattup ki Zop 4.8; Piroberb 22.8 wo Oze 8.7.



tuddaŋ kune ti kane. <sup>14</sup> Ki nuuno, ulbó o k'isiyo uŋse a munda doolo ye, o isiyo uŋse a unto ki Galmeegiŋ Isa Almasi ekk'undumu wede zaapu t'ekki bakadí kaŋ tontilko d'aaŋŋal. Injino maŋ t'urzi k'unto k'Isa ekk'undumu, suldi duniya a nuŋ o-t'ize aa munda ki bita, wo nuŋ toŋ n'a t'ize aa wede unto a suldi duniya me. <sup>15</sup> Injino maŋ ise wede i wilɗa ponde, i ki wilɗa ponde ye toŋ, i k'ise munda ye. Munda wede a jiiire, wedusu Raa yi y'ize aware. <sup>16</sup> A kane d'ooŋ i daaniya ita k'ono eŋŋo, wo ti kane d'ooŋ k'Izirayel ki Raa† pây gerŋ, toose ti isiyo k'adde koɗuwo ere ki Raa i koonaa eedaŋ.

<sup>17</sup> Ti aŋki eŋ, wenda soo toŋ y'o roota munda ulsu ye baa, kono malkuwagi‡ a tuddó eŋ ki bita ye, i-kaza nuŋ a Isa Almasi.

<sup>18</sup> Injino maŋ zemba ki nuŋ, beeko ki Galmeegiŋ Isa Almasi ti lekko ti kune pay. Eyye.

---

† 6:16 6.16 Doŋ k'Izirayel ki Raa: I-kaza d'ooŋ ki Raa pay adda duniya. ‡ 6:17 6.17 Kun wollo adda mattup ki 2 Korent 6.4-5; 11.23-28 wo Kolos 1.24.

## Mattup ki Taasuwa ere Aware

Mukulu: Mattup ki Taasuwa ere Aware (New Testament)

copyright © 2019 Wycliffe Bible Translators, Inc.

Language: (Mukulu)

Contributor: Wycliffe Bible Translators, Inc.

All rights reserved.

2020-11-19

---

PDF generated using Haiola and XeLaTeX on 14 Jun 2022 from source files dated 13 Jun 2022

523c1c0a-f8ac-5d2f-aebe-7063b0de6b23